

Акафист святителю Николаю чудотворцу

Одобрено: 1782 год

Память: 22 мая (09 мая ст. ст.); 11 августа (29 июля ст. ст.); 19 декабря (06 декабря ст. ст.)

Утвержден для общецерковного использования.

Кондак 1.

Возбранный Чудотворче и изрядный угóднице Христóв, мíру все́му источа́й многоце́нное мíлости мíро и неисчерпа́емое чуде́с мо́ре, восхваля́ю тя любóвию, святíтелю Никóлае; ты́ же, я́ко имéяй дерзнове́ние ко Го́споду, от вся́ких мя́ бе́д свободи́, да зову́ ти:

Ра́дуйся, Никóлае, вели́кий Чудотво́рче.

И́кос 1.

А́нгела о́бразом, земна́го су́ща естество́м, яви́ тебе́ всея́ тва́ри Созда́тель: благопло́дную бо добро́ту ду́ши твоея́ прови́дев, преблаже́нне Никóлае, научи́ все́х вопи́ти тебе́ си́це:

Ра́дуйся, от утробы́ ма́терния очище́нный; ра́дуйся, да́же до конца́ освяще́нный.

Ра́дуйся, рождéнием сво́им родите́лей удививый; ра́дуйся, си́лу душе́вную а́бие по рождестве́ явивый.

Ра́дуйся, са́де земли́ обетова́ния; ра́дуйся, цве́те Божество́ннаго сажде́ния.

Ра́дуйся, лозо́ добродете́льная виногра́да Христóва; ра́дуйся, дре́во чудото́чное ра́я Иисúсова.

Ра́дуйся, крíне ра́йскаго прозябе́ния; ра́дуйся, мíро Христóва благоуха́ния.

Ра́дуйся, я́ко тобо́ю отгони́тся рыда́ние; ра́дуйся, я́ко тобо́ю прино́сится ра́дование.

Ра́дуйся, Никóлае, вели́кий Чудотво́рче.

Кондак 2.

Ви́дяще твои́х мíр излия́ние, Богому́дре, просвещáемся ду́шами и телесы́, дíвнаго тя мирото́чца живонóсна, Никóлае, разумéюще: чудесы́ бо, я́ко вода́ми, благода́тию Бóжиею излива́ющимися, напая́еши ве́рно вопи́ющих Бóгу: Аллилу́иа.

И́кос 2.

23:19:37
Разум неуразумённый вразумляя о Святей Троице, был еси в Никее со святыми отцы поборник исповедания православных веры: равна бо Отцу Сына исповедал еси, соприносущна и сопредельна, Ария же безумнаго обличил еси. Сего ради вернии научишася воспевати тебе:

Радуйся, великий благочестия столпе; радуйся, верных прибежища граде.

Радуйся, твердое Православия укрепление; радуйся, честное Пресвятыя Троицы носило и похваление.

Радуйся, Отцу равночестна Сына проповедавый; радуйся, Ария возбесившагося от Собора святых отгнавый.

Радуйся, отче, отец славная красото; радуйся, всех богомудрых премудрая доброто.

Радуйся, огненная словеса испущая; радуйся, добре стадо свое наставляя.

Радуйся, яко тобою вера утверждается; радуйся, яко тобою ересь низлагается.

Радуйся, Николае, великий Чудотворче.

Кондак 3.

Силою, данною ти свыше, слезу всяку отъял еси от лица люте страждущих, богоносне отче Николае: алчущим бо явился еси кормитель, в пучине морстей сущим изрядный правитель, недугующим исцеление и всем всяк помощник показался еси, вопиющим Богу: Аллилуиа.

Икос 3.

Имеше воистину, отче Николае, с Небес песнь тебе воспеваема быти, а не от земли: како бо кто от человек возможет твоея святости величия проповедати? Но мы, любовью твоею побеждаеми, вопием ти сице:

Радуйся, образе агнцев и пастырей; радуйся, святое очистилище нравов.

Радуйся, добродетелей великих вместилище; радуйся, святости чистое и честное жилище.

Радуйся, светильниче всесветлый и вселюбимый; радуйся, свете златозарный и непорочный.

Радуйся, достойный Ангелов собеседниче; радуйся, добрый человек наставниче.

Радуйся, правило веры благочестивыя; радуйся, образе кротости духовныя.

Радуйся, яко тобою от страстей телесных избавляемся; радуйся, яко тобою сладостей духовных исполняемся.

23:19:37 Рáдуйся, Никóлае, вели́кий Чудотво́рче.

Конда́к 4.

Бу́ря недоуме́ния смущáет мѝ у́м, кáко достóйно е́сть пѣти чудеса́ твоѧ, блаже́нне Никóлае? Никто́же бо мо́жет я́ исчести́, áще бы и мно́ги язы́ки имѣл и глаго́лати восхотѣл; но мы́, дѣивно Бо́гу в тебѣ прославля́ющемуся, дерза́ем воспевáти: Аллилу́иа.

Їкос 4.

Слы́шаша, богому́дре Никóлае, бли́жнии и да́льнии вели́чие чудес твоѧ, я́ко по возду́ху лёгкими благодáтными крила́ми навѣкл еси́ сущих в беда́х предваря́ти, ско́ро от те́х избавля́я всѣх, вопи́ющих к тебѣ таковы́я:

Рáдуйся, избавлѣние от печáли; рáдуйся, пода́ние благодáти.

Рáдуйся, неча́емых зóл прогонѣтелю; рáдуйся, желáемых благѧх насадѣтелю.

Рáдуйся, ско́рый утѣшителю в бедѣ сущих; рáдуйся, стра́шный наказáтелю обѣдящих.

Рáдуйся, чудес пучи́но, Бо́гом излия́нная; рáдуйся, зако́на Христо́ва скрижа́ли, Бо́гом пи́санныя.

Рáдуйся, крѣпкое па́дающих возведѣние; рáдуйся, пра́во стоящих утверждѣние.

Рáдуйся, я́ко тобою́ всякая ле́сть обнажа́ется; рáдуйся, я́ко тобою́ всякая и́стина сбывáется.

Рáдуйся, Никóлае, вели́кий Чудотво́рче.

Конда́к 5.

Боготѣчная звезда́ явился еси́, наставля́я по мóрю пла́вающих лю́те, ѧмже сме́рть предстоя́ше вско́ре иногдá, áще не бы ты́ предста́л еси́ призывáющим ты́ в по́мощь, Чудотво́рче святы́й Никóлае; ужѣ бо несты́дно бесóм лета́ющим и погрузѣти кораблѣ хотя́щим запретѣв, отгна́л еси́ ѧх, вѣрныя же научѣл еси́ спаса́ющему тобою́ Бо́гу взывáти: Аллилу́иа.

Їкос 5.

Видеша отрокови́цы, на бра́к сквѣрный нищеты́ ра́ди уготóванныя, вели́кое твоѣ к ни́щим милосѣрдие, преблаже́нне óтче Никóлае, егда́ ста́рцу родѣтелю ѧх но́щию узельцы́ трѣ злáта таяся пода́л еси́, самаго́ со дщѣрьми избавля́я от падѣния грехóвнаго. Того́ ра́ди слы́шиши от всѣх сѣце:

Рáдуйся, мѣлости превели́кия сокрови́ще; рáдуйся, промы́слѣния о лю́дех приятѣлище.

23:19:37 Рáдуйся, лице и отрадо к тебе прибегающих; радуйся, хлебе неснедаемый алчущих.

Рáдуйся, богатство, бедне живущим на земли, Богом данное; радуйся, воздвижение скорое убогих.

Рáдуйся, быстрое нищих услышание; радуйся, скорбящих приятное попечение.

Рáдуйся, трех дев непорочный невестителю; радуйся, чистоты усердный хранителю.

Рáдуйся, ненадежных надеяние; радуйся, всего мира наслаждение.

Рáдуйся, Николае, великий Чудотворче.

Кондак 6.

Проповедует мир весь тебе, преблаженне Николае, скорого в бедах заступника: яко многажды во едином часе, по земли путешествующим и по морю плавающим, предваряя, пособствуеши, купно всех от злых сохраняя, вопиющих к Богу: Аллилуиа.

Икос 6.

Воссиял еси свет животный, избавление нося воеводам, неправедную смерть прияти имущим, тебе, добрый пастырю Николае, призывающим, егда вскоре явлься во сне цареву, устрасил еси его, сих же неврежденных отпустить повелел еси. Сего ради с ними купно и мы благодарственно вопием ти:

Рáдуйся, усердно призывающим тя помогай; радуйся, от неправедного убиения избавляй.

Рáдуйся, от лестных сохраняй клеветы; радуйся, неправедных разрушай советы.

Рáдуйся, растерзай лжу яко паучину; радуйся, возношай славно истину.

Рáдуйся, неповинных от уз разрешение; радуйся, и мертвецев оживление.

Рáдуйся, проявителю правды; радуйся, помрачителю неправды.

Рáдуйся, яко тобою неповиннии избавлени от меча; радуйся, яко тобою насладишася света.

Рáдуйся, Николае, великий Чудотворче.

Кондак 7.

Хотя богохульное еретическое отгнати злосрадие, миро воистину благовонное, таинственное явился еси, Николае: люди Мирейския упасл еси и

весь мир своим благодатным миром исполнил еси. И от нас убо богомерзкое греховное злосрадие отжени, да благоприятно Богу вопием: Аллилуиа.

Икос 7.

Новаго тя Ноя, наставника ковчега спасительнаго разумеем, отче святыи Николае, бурю всех лютых разгоняющаго направлением своим, тишину же Божественную приносящаго вопиющим таковая:

Радуйся, обуреваемых тихое пристанище; радуйся, утопающих известное хранилище.

Радуйся, плавающих посреде пучин добрый кормчий; радуйся, треволнения морская уставляющий.

Радуйся, превращение сущих в вихрах; радуйся, согревание сущих во мразех.

Радуйся, сияние, скорбный мрак разгоняющее; радуйся, светило, вся концы земли просвещающее.

Радуйся, от бездны греховныя человеки избавляяй; радуйся, в бездну адскую сатану ввергай.

Радуйся, яко тобою дерзновенно бездну милосердия Божия призываем; радуйся, яко тобою от потопа гнева избавльшеся, мир с Богом обретаем.

Радуйся, Николае, великий Чудотворче.

Кондак 8.

Странное чудо является притекающим к тебе, блаженне Николае, священная твоя церковь: в ней бо и малое моление приносяще, велиих недугов приемлем исцеление, аще токмо по Бозе упование на тя возложим, верно вопиюще: Аллилуиа.

Икос 8.

Весь еси всем воистину помощник, богоносе Николае, и собрал еси вкупе вся прибегающия к тебе, яко свободитель, питатель и врач скорый всем земным, на похвалу всех подвизая вопити к тебе сие:

Радуйся, всяких исцелений источнике; радуйся, люте страждущим помощнике.

Радуйся, заре, сияющая в ночи греховней блуждающим; радуйся, росе неботочная в знои трудов сущим.

Радуйся, подавая требующим благостроение; радуйся, уготовляя просящим изобилие.

23.19.37
Рáдуйся, мно́гажды проше́ние предва́ряяй; ра́дуйся, ста́рым се́динам си́лу обновля́яй.

Рáдуйся, мно́гих заблúждших от пути́ и́стиннаго обличи́телю; ра́дуйся, та́ин Бо́жиих ве́рный служи́телю.

Рáдуйся, я́ко тобо́ю за́висть попира́ем; ра́дуйся, я́ко тобо́ю благона́равное жити́е исправля́ем.

Рáдуйся, Нико́лае, вели́кий Чудотво́рче.

Конда́к 9.

Вся́кия утолí болéзни, вели́кий на́ш заступни́че Нико́лае, растворя́я благода́тная врачевáния, услажда́ющая ду́ши на́ша, сердца́ же веселя́щая все́х усер́дно к по́мощи твоёй притека́ющих, Бо́гу же вопи́ющих: Аллилу́иа.

И́кос 9.

Вити́я суемúдренны́я нечестíвых ви́дим тобо́ю посра́мленны́я, богомúдре óтче Нико́лае: А́рия бо ху́льника, разделя́юща Божество́, и Савéллия, смеша́юща Святу́ю Тро́ицу, препре́л, на́с же во Правосла́вии укрепíл еси́. Сего́ ра́ди вопи́ем ти́ си́це:

Рáдуйся, щите́, защища́яй благоче́стие; ра́дуйся, мечу́, посеца́яй злочестие́.

Рáдуйся, учи́телю Божéственных велéний; ра́дуйся, губи́телю богопроти́вных учéний.

Рáдуйся, ле́стнице, Бо́гом утвержде́нная, ёю́же восходи́м к Небеси́; ра́дуйся, покрóве, Бо́гом зда́нный, íмже покрывáются мно́зи.

Рáдуйся, немúдрых умудри́вый тво́ими словесы́; ра́дуйся, лени́вых подви́гнувый тво́ими нра́вы.

Рáдуйся, све́тлосте за́поведей Бо́жиих неугасíмая; ра́дуйся, луче́ оправда́ний Господ́них пресве́тлая.

Рáдуйся, я́ко учéнием тво́им сокруша́ются ерети́ческа́я главы́; ра́дуйся, я́ко тобо́ю ве́рнии сподобля́ются сла́вы.

Рáдуйся, Нико́лае, вели́кий Чудотво́рче.

Конда́к 10.

Спасти́ хотя́ ду́шу, плóть твою́ дúхови покорíл еси́ вои́стину, óтче на́ш Нико́лае: молча́ньми бо пре́жде и борéньми с по́мысли, дея́нию богомы́слие приложи́л еси́, богомы́слием же ра́зум соверше́н стяжа́л еси́, íмже дерзнове́нно с Бо́гом и А́нгелы бесе́довал еси́, всегда́ вопия́: Аллилу́иа.

Стенá есі похваляюшим, преблаженне, чудеса твоя и всем к заступлению твоему прибегающим; темже и нас, в добродетели убогих, от нищеты, напасти, недугов и нужд различных свободдай, вопиющих ти с любовью таковая:

Радуйся, от убожества вечнаго изымаяй; радуйся, богатство нетленное подаваяй.

Радуйся, брашно негиблющее алчущим правды; радуйся, питье неисчерпаемое жаждущим жизни.

Радуйся, от мятѣжа и брани соблюдаяй; радуйся, от уз и пленения свободдай.

Радуйся, преславный в бедах заступниче; радуйся, превеликий в напастех защитниче.

Радуйся, многих от погібели исхитивый; радуйся, безчисленных невреденно сохранивый.

Радуйся, яко тобою лютыя смерти грешнии избегают; радуйся, яко тобою жизнь вечную кающися получают.

Радуйся, Никóлае, великий Чудотворче.

Кондак 11.

Пение Пресвятей Троице паче иных принесл еси, преблаженне Никóлае, умом, словом и делом: многим бо испытанием правоверная повеления уяснил еси, верою, надеждою и любовью наставляя нас в Троице Единому Богу воспевати: Аллилуиа.

Їкос 11.

Светозарную лучу во мраце жития сущим неугасимую видим ты, Богом избранне отче Никóлае: с невещественными бо ангельскими светы беседеши о несозданном Троическом Свете, верных же души просвещаяши, вопиющих ти таковая:

Радуйся, озарение Трисолнечнаго Света; радуйся, деннице незаходимаго Солнца.

Радуйся, свеще, Божественным пламенем возжѣнная; радуйся, яко угасил еси бесовский пламень нечестия.

Радуйся, светлое правоверия проповѣдание; радуйся, доброзрачное света евангельскаго сияние.

Радуйся, молние, ереси пожигающая; радуйся, грóме, устрашающий соблазняющая.

23:19:37
Рáдуйся, истиннаго научителю разума; радуйся, таинственнаго изъяснителю ума.

Рáдуйся, яко тобою попра́ся поклонение твáри; радуйся, яко тобою научихомся поклоняться Творцу́ в Трóице.

Рáдуйся, Никóлае, вели́кий Чудотворче.

Конда́к 12.

Благодáть, да́нную ти́ от Бóга, свéдушии, раду́ющеся, твою́ па́мять пра́зднуем по до́лгу, пресла́вный о́тче Никóлае, и к чу́дному заступле́нию твоemú вседу́шно притека́ем; пресла́вных же твои́х дея́ний, яко песка́ морска́го и мно́жества звéзднаго исчестí не могу́ще, недоумéнием объ́яти б́ывше, вопи́ем к Бóгу: Аллилу́иа.

И́кос 12.

Пою́ще твоя́ чудеса́, восхваля́ем тя́, всехва́льне Никóлае: в тебе́ бо Бóг, в Трóице прославля́емый, д́ивно просла́вился. Но а́ще и попремно́гу составленныя от ду́ши псалмы́ и пёсньи прино́сим ти́, Чудотворче святы́й, ничто́же творим́ равно́ дарованию́ чудес твои́х, имже удивля́ющеся, вопи́ем к тебе́ такова́я:

Рáдуйся, Царя́ ца́рствующих и Го́спода господа́ствующих служи́телю; раду́йся, служи́телей Его́ небесных сожи́телю.

Рáдуйся, лю́дем ве́рным помо́жение; раду́йся, ро́да христиáнскаго возвыше́ние.

Рáдуйся, победы́ тезоимени́тый; раду́йся, венце́ноче наро́читый.

Рáдуйся, все́х добродéтелей зерка́ло; раду́йся, все́х притека́ющих к тебе́ крѣпкое забра́ло.

Рáдуйся, по Бóзе и Богоро́дице, все́ наше упова́ние; раду́йся, телес́ наших здра́вие и ду́ш спасéние.

Рáдуйся, яко тобою́ от вéчнаго смéрти свобожда́емся; раду́йся, яко тобою́ безконéчныя жи́зни сподобля́емся.

Рáдуйся, Никóлае, вели́кий Чудотворче.

Конда́к 13.

О пресвяты́й и пречу́дный о́тче Никóлае, утешéние все́х скорбя́щих, ны́нешнее наше́ приими́ приноше́ние и от геéнны изба́вители́ нам Го́спода умоли́ богоприятным твои́м ходата́йством, да с тобою́ воспева́ем: Аллилу́иа.

Этот конда́к чита́ется три́жды, затѣм 1-й и́кос и 1-й конда́к.

И́кос 1.

23:19:37
Ангела образом, земнаго суща естеством, яви тебе всея твари Создатель: благоплодную бо доброту души твоея провидев, преблаженне Николае, научи всех вопити тебе сие:

Радуйся, от утробы матерния очищенный; радуйся, даже до конца освященный.

Радуйся, рождением своим родителей удививый; радуйся, силу душевную абие по рождестве явивый.

Радуйся, саде земли обетования; радуйся, цвете Божественнаго саждения.

Радуйся, лозо добродетельная винограда Христова; радуйся, древо чудоточное рая Иисусова.

Радуйся, крине райскаго прозябения; радуйся, миро Христова благоухания.

Радуйся, яко тобою отгонится рыдание; радуйся, яко тобою приносится радование.

Радуйся, Николае, великий Чудотворче.

Кондак 1.

Возбранный Чудотворче и изрядный угодниче Христов, миру всему источаяй многоценное милости миро и неисчерпаемое чудес море, восхваляю тя любовию, святителю Николае; ты же, яко имеяй дерзновение ко Господу, от всяких мя бед свободи, да зову ти:

Радуйся, Николае, великий Чудотворче.

Молитва первая.

О всесвятый Николае, угодниче преизрядный Господень, теплый наш заступниче и везде в скорбех скорый помощниче! Помози ми, грешному и унылому, в настоящем сем житии, умоли Господа Бога даровати ми оставление всех моих грехов, елико согреших от юности моея, во всем житии моем, делом, словом, помышлением и всеми моими чувствами; и во исходе души моея помози ми, окаянному, умоли Господа Бога всея твари Содетеля, избавити мя воздушных мытарств и вечнаго мучения: да всегда прославляю Отца, и Сына, и Святаго Духа, и твое милостивное предстательство, ныне и присно, и во веки веков. Аминь.

Молитва вторая.

О всеблагий отче Николае, пастырю и учителю всех, верою притекающих ко твоему заступлению и теплою молитвою тебе призывающих! Скоро потщися и избави Христово стадо от волков губящих е; и всяку страну христианскую

огради и сохрани святы́ми твои́ми моли́твами от мирска́го мяте́жа, тру́са, наше́ствия иноплеме́нников и междоусо́бных бра́ни, от гла́да, пото́па, огня́, мечá и внеза́пных сме́рти. И я́коже поми́ловал еси́ три́ех муже́й, в темни́це седа́щих, и изба́вил еси́ их от царева́ гнева́ и посече́ния мечна́го, та́ко поми́луй и мене́, умо́м, сло́вом и де́лом во тме́ грехо́в су́ща, и изба́ви мя гнева́ Бо́жия и ве́чных ка́зни. Я́ко да твои́м ходáтайством и по́мощию, Свои́м же милосе́рдием и благода́тию, Христо́с Бо́г ти́хое и безгре́шное жити́е да́ст ми́ пожити́ в ве́це се́м, и изба́вит мя от шу́ияго стоя́ния, сподо́бит же десна́го со все́ми святы́ми во ве́ки веко́в. Ами́нь.